

SINO ANG UTAK NĒ HIMAGSIKAN?

Kung hindi si Mabini ay sino ang tunay na utak nĒ himagsikan?—itananong marahil nĒ giliw na bumabasa.

At ang sagot ay naririto: Kung hindi si Emilio Jacinto ay si heneral Emilio Aguinaldo, nguni't hindi maaaring si Apolinario Mabini.

Si heneral Aguinaldo, ang sagot nĒ maraming naging heneral nĒ himagsikan na ngayo'y kaanib sa Samahan nĒ mĒga Beterano, pagka't siya ang nagtaguyod nĒ himagsikan mula nang simulan ni Andres Bonifacio ang unang sigaw sa Balintawak hanggang sa masakop tayo nĒ mĒga amerikano. Siya rin ang tanging pinuno nĒ himagsikan na kinikilala at pinagpipitaganan nĒ mĒga taga ibang lupain dahil sa pagiging unang Pangulo nĒ Republika Pilipina.

Si Emilio Jacinto, ang sagot naman nĒ iba, pagka't siya ang tinatawag ni Andres Bonifacio na "kaluluwa nĒ himagsikan at mata nĒ katipunan". Siya rin ang naging masugid na sanggunian ni Andres Bonifacio at may akda nĒ Kartilya nĒ Katipunan at nĒ iba pang batayan at saligan nĒ himagsikan.

"Isa ako sa makapagsasalaysay—ang paliwanag ni heneral Artemio Ricarte Vibora, sa isang liham na ipinadala sa akin na sinulat noong ika-4 nĒ Agosto, 1928—na si Emilio Jacinto ang *tunay na utak nĒ himagsikan*. Siya ang Moises nĒ bayang pilipino."

Sa harap nĒ mĒga palagay na iyan na kapuwa may pinagsasaligang matuwid, ay walang tumpak na makahahatol kundi ang bayang matalino na ngayo'y dilat na ang mata at malinaw ang pag-iisip. Nguni't bago natin hatulan ay kila-

Jalanin muna natin kung sino si Don Emilio Aguinaldo at gayon din si Emilio Jacinto. Narito ang sinasabi ni Mabini tungkol kay heneral Aguinaldo:

"Noong una'y hindi bantog si Kapítang Emilio; ngayo'y itinatanġi siya ng lahat ng Nacion ng parang kapantay ng lahat ng mga napabalita sa Mundo". (Sa isang sulat niya na inilathala ko sa Taliba noong ika-21 ng Hulyo, 1928.)

Narito naman ang sinasabi ng pantas na pilipinong Kgg. Rafael Palma, tungkol kay Emilio Jacinto:

"Hindi mapag-aalinlangan na si Emilio Jacinto ang siyang sinugo ng Diyos upang magbigay diwa at kuro sa ating panghihimagsik na pinaghandugan ni Bonifacio ng lakas ng kaniyang bisig at bilis ng kaniyang sandata. Baga man si Emilio Jacinto ang bata sa dalawa, siya ang parating namatnugot sa piling ni Bonifacio, at naging tagapangaral ng bagong balita na pinagsikapan niyang ipangalat noon sa ating mga mamamayan. Nagkaroon silang dalawa ng pagkakaieang matibay, tapat at walang pagkasira, likha ng pagmamahalan, pagkakahagayan ng ugali, paglisan alab ng loob at mga pnsangrap. Kaypala ang Himagsikan ay naging madugong patayan lamang na walang kasanyan ni kinahinatnan, kung hindi sa kataasan ng isip at walang pagod na pagpapalaganap ng mahalagang aral na ginamit ng mapakumbabang anak ng isang tahimik na "tesedor de libros" na kung tawagin ay Emilio Jacinto". (Sa Paunang Salita niya sa akting akdang BUHAY AT MGA SINULAT NI EMILIO JACINTO).

Ang suliraning ito ay walang alinlangang lilikha ng maiinit na pagtatalo, nguni't pagtatalong pangpatalino at may pakikinabangan ang bayan. Maaari din namang masama in ng iba at ikatuwa ng marami ang pag-ungkat sa bagay na ito, nguni't sa magalit ang iba at sa matuwa ang marami, tayong lahat ay may karapatang kumilala kung sino ang ating mga tunay na bayani. Kailangan nating ibigay ang kani-kaniya. Sinoman sa kanila ay hindi dapat suutan ng sambalilong hindi nauukol sa kanila. Ang tunay na mapaghimala ang dapat isa-dambana upang hindi tayo mapagod sa kadadalanġin sa isang "santong" hindi naman tunay na "milagroso".